



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 248. An fœmina, quæ ob arctitudinem cognosci non potuit à viro, ideoque ab eo separata fuit, sit eidem nec frigiditate, nec maleficio laboranti reddenda, postquam experientia probatum fuit, ...

---

[urn:nbn:de:hbz:466:1-73973](https://nbn-resolving.org/urn:nbn:de:hbz:466:1-73973)



*Quaest. 248. An femina, quae ob ar-  
bitrariam cognoscere non potuit à vi-  
ro, ideoque ab eo separata fuit, sit  
eidem nec frigiditate, nec maleficio  
laboranti reddenda, postquam ex-  
perientia probatum fuit, eam ab  
alio cognitam.*

**R**esp. Quamvis id absolute affirmant Innoc. in  
*c. fraternitati. h. t. à n. 1.* Host. *ibidem n. 7.*  
Alex. *n. 99.* melius tamen dicunt Abb. in *c. n. 7.*  
*2. & 3. Gl. ibid. v. simili. Sanch. d. 93. n. 13. Gutt.*  
*c. 112. n. 26. Castrop. cit. §. 1. n. 12. & c. attentè*  
prius examinandum & inspiciendum, num alter vir  
fuerit priori omnino similis aetate, robore, ac mem-  
bro virili, quae similitudo universalis si deprehen-  
datur, praesumendum, potuisse à priore viro co-  
gnosci, adeoque ei reddendam, juxta *c. fraterni-  
tati.*

*Quaest. 249. Qualiter impotentia du-  
bia sit impedimentum matrimonii  
contracti, vel saltem usus illius.*

**1.** **R**esp. primò: Tameis dubius de impotentia  
sua peccat mortaliter contrahendo matrimo-  
nium. Sanch. *L. 7. d. 103. in fine. Gutt. c. 116. n.*  
*3. Castrop. cit. p. 14. §. 7. n. 1.* tam ob gravem in-  
juriam per hoc irrogatam alteri conjugii potens i-  
gnoranti illam illius impotentiam dubiam. Tum ob  
irreverentiam irrogatam Sacramento matrimonii,  
exponendo illud periculo nullitatis, postquam ta-  
mentali dubio stante contraxit, petere & reddere  
potest debitum, ut constat Ecclesiae, num validè  
an invalidè contraxerit. Castrop. *n. 2.* & si intra  
triennium, quod conceditur ad explorandam im-  
potentiam, matrimonium consummare non potue-  
rit, separandus est; quia praesumitur contraxisse  
invalidè; nempe cum impotentia perpetua.

**2.** **R**esp. secundò: Dum dubitatur, num matri-  
monium consummaverit, & re diligenter exami-  
nata, dubium illud vinci non potest, judicandum  
est pro valore matrimonii; cum quilibet praesuma-  
tur potens, quamdiu non probatur impotens. Sanch.  
*n. 3. Castrop. n. 3.*

**3.** **R**esp. tertio: Dum constat de impotentia,  
dubitaturque solum, an praecesserit matrimonium,  
si sit à natura, judicandum esse eam praecessisse ma-  
trimonium, adeoque contractum nulliter; cum  
quae à natura sunt, sint perpetua, praesumendum  
eam impotentiam fuisse semper, docent à fortiore  
Malcard. *de prob. conl. 816. n. 19.* Henric. *L. 12.*  
*c. 8. n. 3.* Host. in *c. fraternitati. h. t. n. 4.* ibique  
communiter alii. Si est accidentalis, sive ex ma-  
leficio, sive ex morbo, vel per industriam huma-  
nam, puta, per abscissionem membri proveniat,  
praesumi adhuc debere praecessisse matrimonium  
teneat iidem; eò quòd licet impotentia accidenta-  
lis praesumi non debeat, nisi fuerit probata, si tamen  
constet eam adesse, & tantum dubitatur, num pra-  
cesserit matrimonium, expedit praesumptionem  
fieri, quae conjugibus, proli, matrimonio favora-  
bilior; hic autem favorabilis sit, praesumi pra-  
cessisse matrimonium; quia conjux potens potest in-  
ite aliud matrimonium, prolem generare, & evi-  
tare periculum accedendi ad non suam. Castrop. ta-  
men *n. 5.* citans pro se Butt. in *c. fraternitati. n.*  
*20.* censet praesumendum esse, quamcunque impo-  
tentiam subsecutam esse matrimonium, eò quòd,  
dum quilibet debeat praesumi à natura potens, pra-

sumi quoque debeat, illam impotentiam ante ma-  
trimonium non fuisse, adeoque id asserenti incumbat  
onus probandi, quòd ubi facere non potest, ju-  
dicandum matrimonium validè contractum. Atque  
ita conjux potens jure optimo praesumere possit ac  
debeat, se accedere ad suam. Limitat tamen sen-  
tentiam suam Castrop. *n. 6.* ita ut, si illico, ac  
matrimonium contractum, constet de impotentia,  
ea censenda praecessisse matrimonium; cum quis  
praesumi non debeat, tam brevi tempore ab uno ad  
aliud extremum transisse. Citat pro hoc Sanch.  
& Gutt. *ll. cit.*

**4.** **R**esp. quartò: Dum dubitatur, an impo-  
tentia naturalis vel accidentalis, praesumendum sem-  
per esse accidentalem, quamdiu non probatur con-  
trarium; eò quòd praesumi non debeat defe-  
cisse naturam, censent Sanch. Gutt. *ll. cit.* Ca-  
strop. *n. 7.*

*Quaest. 250. An & à quo tempore po-  
tens reclamare possit conjugem im-  
potentem, & audiendus sit.*

**1.** **R**esp. primò: Mulier statim, hoc est, post  
mentem vel intra bimestre à contracto matri-  
monio reclamans, allegando viri impotentiam,  
audienda est, etsi vir neget. Sanch. *L. 7. d. 109. n.*  
*16.* Pirh. *h. t. n. 14.* juxta *c. 1. h. t.* elapso verò bi-  
mestri à contracto matrimonio alleganti mariti im-  
potentiam deneganda est audientia (intellige, non  
absolute & pro semper, sed quousque transierit tri-  
mestris) quia tam serè reclamans, cum ut ait Papa  
*c. 1. h. t.* citò & in parvo tempore scire potuit, si vir  
cum ea coire non potuisset, praesumitur dicere non  
verum. *cit. c. 1. h. t.* Abb. *ibid. n. 5.* Alex. *n. 7.* Sanch.  
*n. 2.* Pirh. *l. c.* Castrop. *§. 1. n. 2.* nisi se offerat ad pro-  
bandam impotentiam per signa certa & evidenti-  
a, vel verosimiliter evidenti- a, tunc enim statim non  
expectato triennio audienda; cum jam cesserit falsi-  
tatis praesumptio, cui decisio illa Papae innitebatur.  
Sanch. *n. 5.* Castrop. *l. c.* Gutt. *c. 120. n. 20.* Porro  
bimestre illud computandum à die illo, quo vir post  
contractum matrimonium copulam intentavit. Butt.  
*inc. laudabilem. h. t. n. 10.* Alex. *n. 10.* Host. in  
*princ.* Sanch. *n. 4.* Gutt. *n. 19.* Castrop. *l. c.* Arg.  
*c. accepisti. h. t.* ubi Papa suae reclamanti denegatae  
audientiae dat rationem, quòd citò scire potuisset,  
an vir secum coire potuisset, quòd nullo modo scire  
potuisset, nisi vir copulam intentasset.

**2.** **R**esp. secundò: Transacto autem triennio  
non conceditur mulieri audientia, tameis per signa  
dubia probare nitatur impotentiam. Castrop. *l. c.*  
Sanch. *n. 14.* Gutt. *n. 27.* juxta *c. fraternitati. & c.*  
*fin. h. t.*

*Quaest. 251. An & qualiter impotens re-  
clamare possit.*

**1.** **R**esp. primò: Quemadmodum potens lici-  
tum est reclamare contra impotentem conju-  
gem; cum ejus maxime intersit, non esse alliga-  
tum impotenti; ita etiam impotens, si suam impo-  
tentiam tempore contractus ignoravit, reclamare  
poterit, ne cogatur onera matrimonii sustinere, &  
uxorem alere. Castrop. *n. 3.* Arg. *c. 1. h. t.* ubi vir  
suam frigiditatem allegavit. Quinimò tenebatur  
reclamare, si periculum incontinentiae, nisi disso-  
lutionem matrimonii procurer, intercurrat; eò  
quòd staute illo periculo non possit jam cum conju-  
ge habitare, eamque ut sororem habere.

**2.** **R**esp. secundò: Quòd si tempore matrimonii  
contracti consensus fuit suae impotentiae, non posse  
eum procurare separationem, potente renitente;